



**JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIÁL**

Komunikadu Imprensa

02 Fevereiru 2016

**JSMP organiza workshop kona-ba prosesu halo akuzasaun tuir Kódiu
Prosesu Penal no Independensia Judisiáriu ba finalista direitu sira**

Iha 30 Janeiru 2016, JSMP organiza workshop ida ba estudante lisensiadu direitu husi Universida sira hanesan Universidade da Paz (UNPAZ), Universida Oriental Unital, Undil, UNDIKNAS no UNIKA-Indoenzia. Workshop ne'e nu'udar workshop primeira-ves ne'ebé oferece ba lisensiadu direitu sira ho tema kona-ba "prosesu akuzasaun tuir Kódigu Prosesu Penal no materia kona-ba independensia judisiáriu.

Materia kona-ba prosesu halo akuzasaun fasilita hosi former staff JSMP ne'ebé akreditadu ona iha Centru Formasaun Judisiáriu (CFJ). Enkuantu materia kona-ba independensia judisiáriu fasilita hosi Adjunto Diretór JSMP, Sr. Casimiro dos Santos, ne'ebé nu'udar mós dosente direitu internacional no prátika diplomasia iha UNPAZ.

Estudante sira ne'ebé parisipa iha workshop ne'e hamutuk ema nain 30 kompostu husi feto 9 mane 21.

Workshop ne'e ho objetivu atu ajuda estudante sira bele aumenta no hasae diak liutan sira nia koñesimentu kona-ba prosedimentu legal sira, hodi nune'e sira bele mós kompete iha Centru Formasaun Judisiáriu (CFJ).

Materia ne'ebé apresenta no diskute mak inklui denunsia ba krime publiku, quixa ba krime semi publiku, requirementu, dezistensia ba keixa, renunsia, faze prosesual penal, faze inqueritu iha nivel polisia, ministériu públiku no faze julamentu. Entre topiku sira ne'e envolve mós atividade analiza ba estudu kazu. Aleinde ne'e iha mós meteria kona-ba independensia judisiáriu ne'ebé kobre definisaun kona-ba independensia judisiáriu, baze legal ba independensia judisiáriu, importansia husi independensia judisiáriu, halo analiza kazu, impaktu bainhira laiha independensia judisiáriu inklui observaun no deskobrementu JSMP nian kona-ba independensia judisiáriu iha Timor Leste.

"Hanesan finalista direitu, workshop ne'e importante tebes tanba sei ajuda finalista sira hodi hametin no haklean tan sira nia kapasidade no koñesimentu iha área relevante sira iha Kodigu Prosesu Penal no prinispiu importante sira atu asegura sistem judisiáriu funsiona iha natureze ida ne'ebé kredivel no independente", dehan Luis de Oliveira Sampaio, Diretór Ezekutivu JSMP.

Partisipantes sira ne'ebé maioria finaliza no lisensiadu direitu ne'e hatudu sira nia antusiasmu boot tebes ba workshop ne'e, no sira husu ba JSMP atu kontinua realiza atividade henesan iha futuru. Sira hanoin katak ho workshop ne'e bele kompleta sira nia teória ne'ebé sira hetan iha sira nia universidade, sira rekomenda ba JSMP atu bele haluan tan tempu tanba loron ida lasufiseinte hodi bele aprende no diskute materia importante sira ne'e hotu.

Responde ba hanoin no rekomendasaun sira ne'e, Sr. Casimiro dos Santos, Adjunto Diretor JSMP esplika katak, relasiona ho tempu nia esplika no rekoñese katak tempu la suficiente duni no JSMP sei konsidera hanoin sira ne'e. JSMP hanoin katak atividade ne'e sei kontinua, maibe kona-ba duransaun tempu sei hare mós ba possibilidade financeiru.

Workshop ne'e realiza tanba ho apoiu financeiru husi Embaxa Finlandia-Indonézia.

Atu hetan informasaun kompleta favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org